

欽定四庫全書

子部
證類本草卷十三



南京中医药大学图书馆版权所有

大宋司馬文正公集

卷之六

文正公集

卷之六

文正公集

宋 唐慎微 撰

用有

效注云今附

證類本草

大宋司馬文正公集

二種新補

四十五種陳藏器餘

凡墨蓋子已下並唐慎微續證類

桑根白皮

葉耳五木耳附桑椹桑灰唐注葷菌續注

竹葉

根汁實瀝皮茹筍附竹黃續注

吳茱萸

根附葉并棟子根續注

檳榔

梔子

山梔子續注

紫釰

音礦

騏驎竭

唐附白玉石部今移

龍腦香

唐附相思子續注

食茱萸

唐附皮續注

蕪荑

枳殼

今附

枳實

厚朴

茗苦茶

唐附

秦皮

秦椒

山茱萸

胡藟子
續注

紫葳

凌霄花也莖葉
等附根續注

胡桐淚

唐附自草
部今移

墨

附今

棘刺花

實業
針附

猪苓

白棘

烏藥

附今

沒藥

附今

龍眼

安悉香

附唐

仙人杖

新補草仙
人杖附

松蘿

毗梨勒

附唐

菴摩勒

附唐

鬱金香

附今

衛矛

鬼箭
也

海桐皮

附今

大腹

附今

紫藤

附今

合歡

虎杖

自草部
今移

五倍子

今附自草部今移

伏牛花

今附自草部今移

天竺黃

今附

蜜蒙花

今附自草部今移

天竺桂

今附

折傷木

唐附

桑花

新補

棕子木

唐附

每始王木

唐附

四十五種陳藏器餘

必栗香

櫚木

研藥

黃龍眼

箭幹

元慈勒

都咸子

鑿孔中木

櫟木皮

省藤

松楊木

楊廬耳

故甌蔽

浸木

象豆

地主

腐木

石刺木

柟木

息王藤

角落木

鴝鳥漿

紫珠

牛領藤

枕材

鬼膊藤

木戟

奴柘

溫藤

鬼齒

鐵槌柄

古櫬板

慈母

飯籬

白馬骨

紫衣

梳篦

倒掛藤

故木砧

古厠木

桃掘

梭頭

救月杖


地龍藤

火槽頭

桑根白皮



信州桑黃



桑根白皮味皆寒無毒主傷中五勞六極羸瘦崩中脈
絕補虛益氣去肺中水氣唾血熱渴水腫腹滿臚脹利
水道去寸白可以縫金瘡採無時出土上者殺人

續斷桂心麻
子為之使

葉主除寒熱出汗汁解蜈蚣毒

桑耳味甘有毒黑者主女子漏下赤白汁血病癥瘕積
聚陰痛陰陽寒熱無子療月水不調其黃熟陳白者止
久洩益氣不饑其金色者治癖飲積聚腹痛金瘡一名

桑菌一名木麥

蜀本麥作
浚詮苟切

五木耳名糯

音軟

益氣不饑輕身強志生犍為山谷六月

多雨時採即暴乾

陶隱居云東行桑根乃易得而江邊
多出土不可輕信桑耳斷穀方云木

糯又呼為桑土寄生此云五木耳而不顯四者是何木
按老桑樹生桑耳有黃者赤白者又多雨時亦生軟濕
者人採以作菹皆無復藥用唐本注云楮耳人常食槐
耳用療痔榆柳桑耳此為五耳軟者並堪噉桑椹味甘
寒無毒單食主消渴葉味苦甘寒有少毒水煎取濃汁
除脚氣水腫利大小腸灰味辛寒有小毒蒸淋取汁為
煎與冬灰等同滅誌疵黑子蝕惡肉煮小豆大下水脹
傳金瘡止血生肌也今按陳藏器本草云桑葉汁主霍
亂腹痛吐下冬月用乾者濃煮服之研取白汁合金瘡
又主小兒吻瘡細剉大釜中煎取如赤糖去老風及宿

血葉極者名雞桑最堪入用椹利五藏開節通血氣久服不饑多收暴乾擣末蜜和為丸每日服六十九變白不老收黑椹一斤和科斗子一斤瓶盛封閉懸屋東頭一百日盡化為黑泥染白鬢如漆又取二十枚和胡桃脂研如泥拔去白髮點孔中即生黑者臣禹錫等謹按藥性論云桑白皮使平能治肺氣喘滿水氣浮腫主傷絕利水道消水氣虛勞客熱頭痛內補不足桑耳使一名桑臣又名桑黃味甘辛無毒能治女子崩中帶下月閉血凝產後血凝男子瘡癖兼療伏血下赤血又云木耳亦可單用乎孟詵云寒無毒利五藏宣腸胃氣擁毒氣不可多食惟益服丹石人熱發和葱鼓作羹蕭炳云桑葉炙煮飲止霍亂孟詵云桑根白皮煮汁飲利五藏又入散用下一切風氣水氣又云桑葉炙煎飲之止渴一如茶法又云桑皮煮汁可染褐色久不落紫燒灰淋汁入鍊五金家用日華子云桑白皮溫調中下氣益五藏消痰止渴利大小腸開胃下食殺腹藏蟲止霍亂吐

瀉此即出桑根皮又云家桑東行根暖無毒研汁治小兒天疳驚癇客忤及傳驚口瘡大驗又云家桑葉暖無毒利五藏通關節下氣煎服除風痛出汗并撲損瘀血並蒸後署蛇蟲蜈蚣咬鹽按傳上春葉未開枝可作煎酒服治一切風又云桑耳溫微毒止腸風瀉血婦人心中腹痛藥性論云葷耳亦可單用乎古槐桑樹上者良能治風破血益力其餘樹上多動風氣發癇疾令人助下急損經絡背膊悶又煮漿粥安槐木上草覆之即生葷次柘木者良孟詵云菌子寒發五藏風擁經脈動疾病令人昏昏多眊背膊四肢無力又菌子有數般槐樹上生者良野田中者恐有毒殺人又多發冷氣令腹中微微痛

圖經曰

桑根白皮本經不著所出州土今處處有之採無時不可用出土上者用東行根益佳或云木

白皮亦可用初採得以銅刀剝去上簾皮取其裏白切焙乾其皮中青涎勿使刮去藥力都在其上惡鐵及鉛

不可近之桑葉以夏秋再生者為上霜後採之煮湯淋
渌手足去風痺殊勝桑耳一名桑黃有黃熟陳白者又
有金色者皆可用辟切酒煎主帶下其實椹有白黑一
種暴乾皆主變白髮皮主白蘚花亦名桑花狀似地錢
刀削取炒乾以止衄吐血等其柴燒灰淋汁醫家亦多
用之桑上蠹蟲主暴心痛金瘡肉生不足皮中白汁主
小兒口瘡傅之便愈又以塗金刀所傷燥痛須臾血止
更剥白皮囊之令汁得入瘡中良冬月用根皮皆驗白
皮作線以縫金創腸出者更以熱雞血塗之唐安金藏
剖腹用此法便愈桑條作煎見近效方云桑煎療水氣
脚氣肺氣雞腫兼風氣桑條二兩用大秤七兩一物細
切如豆以水一大升煎取三大合如欲得多造準此增
加先熬令香然後煎每服肚空時喫或茶湯或羹粥每
服半大升亦無禁忌也本方云桑枝平不冷不熱可以
常服療徧體風痒乾燥脚氣風氣四肢拘攣上氣眼暈
肺氣嗽消食利小便久服輕身聰明耳目令人光澤兼

療口乾仙經云一切仙藥不得桑煎不服出抱朴子本
方桑枝一小升細切熬令香以水三大升煎取二大升
一日服盡無問食前後此服只依前方也桑葉可常服
神仙服食方以四月桑茂盛時採葉又十月霜後三分
二分已落時一分在者名神仙葉即採取與前葉同陰
乾搏末丸散任服或煎以代茶飲又採椹暴乾和蜜食
之並令人聰明安魂鎮神又炙葉令微乾和桑衣煎服
治痢亦主金創及諸損傷上血方書稱桑之功最神在
人資用尤多爾雅云桑辨有葑與椹同椹郭璞云辨半
也一半有葑半無名曰椹又云女桑揔桑俗間呼桑木
之小而條長者為女桑又山桑木椹弓弩檠
桑絲中琴瑟皆林之美者也他木鮮及焉

雷公云

凡使十年已上向東畔嫩根採得後銅刀剥上
青黃薄皮一重只取第二重白嫩青涎者於槐

砧上用銅刀判了焙令乾勿使皮上
涎落涎是藥力此藥惡鐵并鉛也

聖惠方

治大風頭面髭髮脫落以桑柴灰熱湯淋取汁洗頭面以大豆水研取漿鮮澤灰味彌佳次用

熱水入萊豆麴濯之取淨不過十度良三日一沐頭一日一洗面

外臺秘要

治偏風及一切風桑枝剉一大升用今年新嫩枝以水一大斗煎取二大升夏用井中沈

恐酸壞每日服一盞空心服盡又煎服終身不患偏風若預防風能服一大升佳

又方

脈極寒髮鬢墮落令髮潤生桑白皮二升以水淹浸煮五六沸去滓洗沐鬢髮自不落

又方

五痔以桑耳作羹空心下飭飽食之日三食之待孔卒痛如鳥啄取大小豆各一升合搗作兩囊蒸

之及熱更互坐之即差

千金方

治口瘡白漫漫取桑樹汁先以髮拭口次以汁傅之

又方

八月九月中刺手足犯惡露腫多殺人
以桑枝三條內塘灰中炮令極熱破斷以頭柱瘡口上令熱

盡即易之盡二條則瘡自爛仍取韭白傅瘡
上以布帛急裹之若有腫者更作用薤白佳

肘後方

治人少小鼻衄小勞輒出桑耳無多少熬令焦
搗末每衄發輒以杏仁大塞鼻數度即可斷深

師方
同

葛氏方

卒小便多消渴入地三尺取桑根剥去白皮炙
令黃黑剉以水煮之令濃隨意飲之亦可內少

米勿
入鹽

又方

產後下血不止炙
桑白皮煮水飲之

又方

血露不絕鋸截桑根取屑
五指撮取醇酒服之日三